



COMUNE DE PÀDRIA

DELIBERAZIONE DE SA GIUNTA COMUNALE N. 43 DE SU 07/09/2020

OGETU: VARIATZIONE DE FÀGHERE A SOS ISTANTZIAMENTOS DE SU BILÀNTZIU DE PREVISIONE FINANTZIÀRIU 2020/2022 – VARIATZIONE DE URGÈNTZIA IN CUNFORMA A S'ARTÌCULU 175, COMMA 4, DE SU DECRETU LEGISLATIVU 18 DE AUSTU 2000, N. 267 E MM.II.II. – ESÀMINE E APROVATZIONE

S'annu duamìgia e binti sa die sete de su mese de Cabudanni a sas oras 16:35, in s'ufitziu de su Sìndigu, fatu chi siat esaurimentu de sas formalidades prescritas dae sa lege de s'Istadu e de s'Istatutu, s'est reunida sa Giunta Comunale suta sa presidèntzia de su Sìndigu DOT. MURA ALESSANDRO.

A s'apellu nominale resurtat

<u>CÀRRIGA</u>	<u>SAMBENADU E NÙMENE</u>	<u>PRESENTE</u>
SÌNDIGU	DOT. MURA ALESSANDRO	EMMO
ASSESSORE	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO

Presentes n. 3 Ausentes n. 0

Partètzipat su SEGRETÀRIU COMUNALE DOT. PULEDDA ANTONINO, chi providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e decrarat aberta sa setziada pro sa tratatzione de s'ogetu marcadu subra.

SA GIUNTA COMUNALE

PREMÌTIDU chi, cun sas deliberatziones de su Consìgiu Comunale n. 22 de su 28/12/2019 e n. 25 de su 28/12/2019 sunt istados aprovados, a manera rispetiva, sos documentos sighentes:

- Nota de aggiornamentu a su DUP 2020-2022;
- Bilàntziu de previsionu finantziàriu 2020-2022 paris a sos allegados suos;

LEADU ATU chi su Comune de Bonolva, in calidade de Comune capufila de su PLUS distretu de S'Alighera, at provididu a trasferire a custu Ente, in su mese de austu apena coladu, sa summa complessiva de € 10.397,03 a fronte de una previsionu de bilàntziu paris a € 9.483,83, pro interventos a favore de sas "Disabilidades graes meda" segundu sa Deliberatzione de sa Giunta Regionale Sardigna (DGR) n. 21/22 de su 04.06.2019;

RAPRESENTADU chi:

- Sa Regione Sardigna, cun determinatzione de sa Direzziòne generale de sas Políticas Sotziales n. 430 de su 01/09/2020, at licuidadu a favore de sos Comunes sardos sa summa complessiva de € 31.000.000,00 pro su finantziamentu de sos pianos personalizados segundu sa lege 162/1998;
- Cun sa prefata determinatzione regionale, in particolare, est istada disposta sa licuidatzione a favore de su Comune de Pàdria, de sa summa de € 24.225,31 a fronte de un'istantziamentu disponibile de € 21.454,03;

ÀPIDU RIGUARDU a su decretu rep. 561 de su 20/08/2020 de su Ministru pro sos benes e sas atividades culturales (MIBACT), cun su cale est istadu approvadu s'elencu de sos beneficiàrios de sa misura previdida dae su D.M. (de su matessi Dicasteru) n. 267 de su 4 de làmpadas 2020 de partzidura de su "fundu emergèntzias impresas e istituziones culturales" e chi cumprendet, in particolare: "Contributu a sas bibliotecas pro achistu libros. Sustennu a s'editoria librària";

PRETZISADU, cun riferimentu a su prefato D.M. n. 561/2020, chi:

- In sa tabella de partzidura, su Comune de Pàdria resurtat assegnatàriu de su contributu de € 5.000,95;
- Sos beneficiàrios, puru prima de s'erogatzione efetiva de sas resursas finantziàrias, podent dare aviu a sas protzeduras de achisizione prevididas dae su decretu ministeriale e protzèdere a s'ispeza relativa;
- Intro de su 31.10.2020 sos matessis beneficiàrios ant a dèvere providire a sa rendicontazione de sas summas assegnadas cun sas modalidades indicadas in s'art. 8 de su D. MIBACT n. 467 de su 2 de trìulas de su 2020;

CUNSIDERADU chi sa Responsàbile de su Servìtziu Finantziàriu de cust'Ente, cun nota prot. 3339 de su 07.09.2020 at dimandadu una variatzione urgente de bilàntziu pro insertare in sa parte intrada e in sa parte ispeza sas summas subra indicadas:

- Assegnadas a titulu de “Contributu a sas bibliotecas pro achistu libros. Sustennu a s’editoria librària”;
- Trasferidas dae su PLUS Distretu de S’Alighera pro interventos a favore de sas disabilities meda graes;
- Licuidadas dae sa Regione Sardigna su finantziamentu de sos progetos personalizados L. 162/1998;

ISPETZIFICADU chi s’art. 175 de su Dlgs n. 267/2000 e mm.ii.ii.;

- a su comma 2 previdit chi sas “variaziones a su bilàntziu sunt de cumpetèntzia de s’òrganu de consìgiu francu cussas prevididas dae sos commas *5-bis e 5-quater*”;
- a su comma 4 previdit sa possibilitade de adotzione de variaziones de bilàntziu dae parte de s’òrganu esecutivu in bia de urgèntzia, motivada a manera oportuna, francu ratifica, a pena de decadèntzia, dae parte de s’òrganu de consìgiu intro de sas sessanta dies sighentes e semper e cando intro de su 31 de nadale de s’annu cumintzadu si a tale data non siat iscadidu su tèrmine in antis naradu
- a su comma 5-bis indicat sas variaziones de bilàntziu de cumpetèntzia de sa Giunta Comunale in s’elencu sighente:
 - a) variaziones chi pertocant s’impreu de sa cuota vinculada e acantonada de su resurtadu de amministratzione in su cursu de s’esertzìtziu provisòriu chi cunsistent in su torrare a iscrìere sas economias de ispesa chi derivant dae istantziamentos de bilàntziu de s’esertzìtziu pretzedente chi corrisponent a intradas vinculadas, segundu sas modalidades prevididas dae s’art. 187, comma 3-quinquies;
 - b) variaziones cumpensativas intre sas dotatziones de sas missiones e de sos programmas chi pertocant s’impreu de resursas comunitàrias e vinculadas, in su rispetu de sas finalidades de s’ispesa definida in su provedimentu de assegnatzione de sas resursas, o si in casu mai sas variaziones siant netzessàrias pro s’atuatzione de interventos prevididos dae intesas istituzionales de programma o dae àteros instrumentos de programmatzione negusciada, giai deliberados dae su Consìgiu;
 - c) variaziones cumpensativas intre sas dotatziones de sas missiones e de sos programmas a manera limitada a sas ispesas pro su personale, cunsighentes a provedimentos de trasferimentu de su personale a in intro de s’ente;
 - d) variaziones de sas dotatziones de càscia, francu cussas prevididas dae su comma 5-quater, garantende chi su fundu de càscia in finitia de s’esertzìtziu siat non negativu;

e-bis) variaziones cumpensativas intre macroagregados de su matessi programma a in intro de sa matessi missione;

ISTABILIDU chi sas variaziones rechestas cun sa nota prot. n. 3303/2020 tzitada torrante a intrare in sa tipologia segundu s’art. 175, comma 4, de su D.Lgs.vu n. 267/2000 e mm.ii.ii.”;

APRETZIADU de dèvere atzèdere, in sintonia cun sa proposta tècnica pagu a s’ora tzitada, a una variazione de bilàntziu chi cumprendet totu de urgèntzia, pro sas motivatziones subra ispetzificadas;

LEADOS, pro cussu, sos podèrios de su Consìgiu Comunale, in cunforma a s'art. 175, comma 4, de su D.Lgs.vu n. 267/2000 e mm.ii.ii.;

RILEVADU chi su rechisidu de urgèntzia resurtat motivadu dae sa netzessidade de protzèdere a tgempus a s'ativatzione de sas ispesas in tratatzione in cantu non rinviàbiles;

BIDA sa variatzione de fàghere a sos istanziamentos de su bilàntziu de previsione finantziària 2020/2022, comente fata dae su Servìtziu Finantziàriu, allegada a sa deliberatzione presente, pro nde fàghere parte integrante e sustanziale e pro su chi sighit identificada comente allegadu "1";

LEADU ATU chi, in cunforma a s'art. 162, comma 6, e de s'art. 175 de su D.Lgs. n. 267/2000 e mm.ii.ii., sos istanziamentos de càscia de su bilàntziu de previsione de cumintzu e sas variatziones imbenientes a sas matassis dotatziones de càscia devent garantire unu fundu de càscia finale non negativu;

AVERIGUADU chi, a pustis de sas variatziones segundu s'allegadu "1":

- Benint respetados sos echilibrios finantziàrios de su bilàntziu 2020/2022;
- Si previdit unu fundu de càscia finale a su 31/12/2020 non negativu;

ATZERTADU chi, a tèrmines de sas dispositziones sighentes, sunt istados eliminados unos cantos acumprimentos relativos a su Servìtziu de Tesoreria:

- s'artìculu 57, comma 2 quater de su DL 26 de Santugaine 2019 n. 124, mudadu cun modificatziones dae sa L. 19 de nadale 2019, n. 157, at determinadu de fatu:
 - s'abrogatzione de sos commas 1 e 3 de s'artìculu 216 e s'eliminatzione cunsighente de s'òbligu de trasmìtere a su tesoreri su bilàntziu de previsione aprovalu e puru totu sas deliberatziones de variatzione e de prelevamentu de cuotas dae su fundu de riserva;
 - s'abrogatzione de su comma 2, lìtera a) de s'artìculu 226 de su TUEL, chi previdiat s'òbligu de allegare a su contu de su Tesoreri "sos allegados de acumprimentu pro ogni tipologia s'ingula de intrada, pro ogni programma s'ingulu de ispesa";
- s'artìculu 52, de su Decretu Austu (DL 104/2020) at abrovalu sos commas 4 e 6 de s'art. 163 e su comma 9-bis de s'art. 175 de su Dlgs n. 267/2000 e mm.ii.ii.;

BIDOS:

- Su Dlgs n. 267/2000 e mm.ii.ii.;
- Su Dlgs n. 118/2011 e mm.ii.ii. e sos printzìpios contàbiles allegados;
- Su regulamentu comunale de contabilidade, aprovalu cun deliberatzione de su Consìgiu comunale n. 2 de su 06/02/2017;

ACHISIDOS, subra de sa proposta de deliberatzione, sos parres favorèvoles in òrdine a sa regularidade tècnica e contàbile esprìmidos dae su Responsàbile de s'Àrea econòmicu-finantziària, in cunforma a s'art. 49, comma 1, de su decretu legislativu 18 austu 2000, n. 267 e mm.ii.ii.;

RECONNÒSCHIDA sa cumpetèntzia pròpia in cunforma a sas dispositziones normativas, istatutàrias e regulamentares in vigèntzia in òrdine a s'adotzione de sa variatzione de bilàntziu de su chi si tratat, de sutapònere a ratìfica a incuru de su Consìgiu Comunale intro de sos tèrmines de lege;

INTESA sa relata acraridora a incuru de su Sìndigu, agiudadu dae su Segretàriu comunale;

DADU ATU chi subra de sa proposta de deliberatzione n. 545 de su 03/09/2020 est istadu proadu, cun èsitu favorèvole, su controllu in su matessi tempus de regularidade amministrativa a incuru de su Segretàriu comunale, a s'èsitu de su coordinamentu testuale cuncordadu cun sos Responsàbiles de sos Servìtzios interessados;

LEADA CONNOSCHÈNTZIA de s'oportunidade, in sintonia cun sa proposta tècnica avanzada dae sos ufìtzios, de protzèdere cun urgèntzia a s'aprovatzione de sa deliberatzione presente pro sas finalidades in ogetu;

ACRARADU chi sa setziada presente de sa Giunta Comunale s'est acumprida in modalidade telemàtica a manera partziale, in cunforma a s'art. 73 de su DL 18/2020 e mm.ii.ii., e puru de su decretu de su sìndigu n. 2 de su 23.03.2020;

DADU ATU chi totu sos partetzipantes a sa setziada:

- ant àpidu visione preventiva e disponibilidade de sa proposta de deliberatzione chi riguardat s'ogetu;
- ant àpidu s'oportunidade de partetzipare a sos traballos de oe de sa Giunta Comunale in presèntzia siat in relatzione a sa dibata che in òrdine a sa votatzione, cun su controllu costante de su Segretàriu comunale;

cun votos favorèvoles de acordu in su matessi tempus, esprìmidos a manera legale, in cunforma a cantu indicadu subra

DELÌBERAT

1. **DE FÀGHERE PRÒPIAS** sas premissas narrativas e motivatzionales chi si intendent inoghe a manera integrale torradas a cramare e tramudadas;
2. **DE APROVARE** sa variatzione a su bilàntziu de previsione finantziàriu 2020/2022, in tèrmines de cumpetèntzia e de càscia, in bia de urgèntzia, in cunforma a s'art. 175, comma 4, de su D.Lgs. 18 de austu 2000 n. 267 e mm.ii.ii., comente resurtante in s'allegadu "1" a sa deliberatzione presente pro nde fàghere parte integrante e sustantziale;
3. **DE DARE ATU**, in cunforma a s'art. 193, comma 1, de su D.Lgs 267/2000 e mm.ii.ii., chi cun su provedimentu presente sunt respetados totu sos echilìbrios pro sa cobertura de sas ispesas currentes e pro su finantziamentu de sos investimenti;
4. **DE INCARRIGARE** su Responsàbile de s'Àrea Finantziària in òrdine a sa trasmissione de sa deliberatzione presente a s'Òrganu de Revisione, pro su parre prescitu segundu s'art. 239, comma 1, litera b), nùmeru 2), de su D.Lgs. n. 267/2000 e mm.ii.ii.;

5. **DE SUTAPÒNNERE**, in cunforma a s'art. 175, comma 4, de su D.Lgs n. 267/2000 e mm.ii.ii., sa deliberatzione presente a s'atenzione de su Consìgiu comunale intro de 60 dies dae sa data de oe pro sa retifica relativa;
6. **DE DARE ATU** chi totu sos partetzipantes a sa setziada:
 - ant àpidu visione preventiva e disponibilidade de sa proposta de deliberatzione chi riguardat s'ogetu;
 - ant àpidu s'oportunidade de partetzipare a sos traballos de oe de sa Giunta Comunale in presèntzia siat in relazione a sa dibata che in òrdine a sa votatzione, cun su controllu costante de su Segretàriu comunale;
7. **DE DECLARARE** in fines, cun separada, in su matessi tempus e a sa matessi manera votatzione de acordu (Mura – Marica - Dettori in presèntzia) sa deliberatzione presente esecutàbile a manera immediata in cunforma a s'art. 134, comma 4, de su D.Lgs. 18 de austu 2000 n. 267,e mm.ii.ii., istende s'urgèntzia de assicurare su perfetzionamentu sollitzitu de sas finalidades suas.

PARRE DE REGULARIDADE TÈCNICA

In cunforma a s'art. 49 c. 1 de su T.U.E.L. su Dirigente/P.O. **ARCA MARIANGELA** in data **03/09/2020** at esprimidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c. 1 de su T.U.E.L. su Dirigente/P.O. **ARCA MARIANGELA** in data **03/09/2020** at esprimidu parre **FAVORÈVOLE**

SU SÌNDIGU

SU SEGRETÀRIU COMUNALE

DOT. MURA ALESSANDRO

DOT. PULEDDA ANTONINO

NOTA DE PUBLICATZIONE N. 653

In cunforma a s'art. 124 de su T.U. 267/2000 su responsàbile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 07/09/2020 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Tradutzione de s'operadora de s'isportellu linguisticu de su comune de Pàdria
Maria Leonarda Correddu